



Sarajevo, 30.04.2025.

**PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE**
n/r predsjedavajućeg

 BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO			
Organizaciona jedinica	Klasifikaciona oznaka	Datum prijema	Broj priloga
01	50-1-1079/25	30-04-2025	

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20, 53/22, 59/23, 87/23, 50/24 i 73/24), postavljam sljedeće

POSLANIČKA PITANJA

1. Molim vas da mi dostavite potpunu dokumentaciju sljedećih arbitraža (pod dokumentacijom za sve tražene arbitražne postupke podrazumijevam: hronološki poredan slijed događaja ko je i kada potpisao koju vrstu Ugovora ili koncesije, potpuni tužbeni zahtjev, prvostepene ili pravosnažne presude ukoliko postoje za određenu arbitražu, zakonom predviđene korake koje je poduzelo Pravobranilaštvo BiH za svaku arbitražu pojedinačno, hronologiju izvještavanja Vijeća ministara BiH o svim arbitražama i donesene prateće zaključke.

- Kermas Energija - Koncesija u vjetroparku Trusina, Nevesinje;
- RiTE Gacko;
- Mittal – GIKIL;
- Aggarwal i ostali - Krajina osiguranje;
- ALAS International - EP BiH;
- Arbitražni postupak pred Međunarodnim centrom za rješavanje investicijskih sporova u Vašingtonu prema tužbi “Elektrogospodarstva Slovenije – Razvoj i inženjering” protiv Bosne i Hercegovine. Što se tiče ovog slučaja, potrebna mi je i informacija o stanju povodom arbitražnog spora u Beogradu prema kojem je Arbitražno vijeće presudilo u korist Elektrogospodarstva Slovenije. Prema dostupnim informacijama postupak u Vašingtonu je u fazi mirovanja. Da li je ta informacija tačna, te da li presuda u Beogradu ima posljedice po aktivaciji postupka u Vašingtonu?

2. Osim navedenih, da li postoje i drugi arbitražni sporovi protiv Bosne i Hercegovine, te ukoliko postoje koji je njihov status?

3. Ukoliko je Pravobranilaštvo BiH na osnovu svoje stručnosti moglo pretpostaviti da će doći do izvršenja pravosnažne presude, da li ste uputili Vijeću ministara BiH i Ministarstvu finansija i

trezora BiH zahtjev za osiguranje budžetskih sredstava kako bi se pravovremeno mogla planirati sredstva za izvršenje arbitraža?

4. Da li će Pravobranilaštvo BiH u skladu sa svojim nadležnostima iz člana 13. Zakona o Pravobranilaštvu Bosne i Hercegovine poduzeti sve potrebne radnje protiv entiteta RS ili entiteta FBiH, nakon pravosnažnosti arbitražnih presuda kako bi zaštitili interese i budžet Institucija Bosne i Hercegovine?

Pitanje postavljam Pravobranilaštvu Bosne i Hercegovine.

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.

Poslanica SDP BiH
Ermina Salkičević Dizdarević

